



新聞稿

即時發佈

致各大娛樂/電影版編輯及記者：

《花田囍事 2010》首日票房報捷榮登票房冠軍 《花田囍事 2010》票房報捷擺足頭彩 四大笑匠現身鬧市大派利是慶祝票房報捷

[香港・2010年2月12日] 賀歲電影經過一輪前哨戰終於在昨日(2月11日)正式上映，電影公司為了讓觀眾可以先睹為快，特別率先為《花田囍事 2010》開咗 5 場優先場，為電影造勢之餘亦希望能將口碑傳遍全城。電影由當今影壇一班笑匠擔綱演出，令《花田囍事 2010》先贏一仗擺足頭彩！

踏入年廿八，過年氣氛越來越濃厚，在這個萬家歡騰的日子，電影《花田囍事 2010》的四位重要人物就特別嚟到 EMax 同大家見面，出席國際展貿中心 EMax X《花田囍事 2010》群星慶團圓，率先同大家拜早年及宣傳電影！

在活動中，一班演員更聯同 EMax 高級租務經理黃澤姬小姐、MaxHome 名雅家居博覽執行董事及行政總裁洪向文先生進行「爆笑行動」，打破一個『哈哈笑』冰雕，證明電影笑料滿瀉，每位入場的觀眾都會由入場笑到行出戲院，今個虎年《花田囍事 2010》定必笑爆全城，並齊齊開香檳預祝票房大賣！

對於電影《花田囍事 2010》老闆兼主角黃百鳴表示：「雖然之前同對手在優先場的票房有爭拗，但事實同數據都證明我哋先至係票房冠軍，不過仲有兩日就已經係新嘅一年，我都希望大家可以開開心心過年，一團和氣，笑口常開，更加寄望今年所有賀歲電影都可以創造佳績，令香港的電影事業更上一層樓！」

至於古仔表示：「對《花田囍事 2010》非常有信心，亦相信過年期間票房會更加好！但都好最需要觀眾嘅支持，所以我哋成班演員都會踩行油幫套戲宣傳。」而 Ronald 就話：「要贏人先要贏自己，所以我覺得今年最大嘅勁敵係自己，中國人過新年都係想開開心心，所以想新年行大運，虎年賺到笑就要入場睇《花田囍事 2010》喇！」

而電影《花田囍事 2010》另一位靈魂人物君如更於活動上大講行運秘笈，君如表示：「首先大家要好似我咁獨具慧眼，搵到百鳴哥呢啲咁闊綽嘅老闆同兩個睇得又打得嘅靚仔，當你有錢，身邊又成日有古仔呢啲靚仔；悶嘅時候又可以搵 Ronald 講吓笑話，每日都活係呢啲咁 Prefect 嘅環境，想唔開心同行運都幾難啦！不過呢啲秘技就唔係人人都有機會享受！」

-完-

